



Pour lire l'intégralité de nos lettres et documents de référence, consultez notre blog à l'adresse :
<http://Madagascar-Resistance.blog4ever.com>

Madagascar Résistance

Laharana n°52 - martsa 2011

INONA NO ZAVATRA AZON'I AFRIKA ANTENAINA AMIN'I Alain Juppé?

Ny fahatezán'ny politika frantsay ao Afrika, miavaka amin'ny fifandraisana feno firahalahiana amina mpanao jadona hâlan'ny vahoakany, amin'ny alâlan'ny fanongànam-panjakana tato anatin'ny telo taona izao ao amin'ny firenena miteny frantsay, na amin'ny alâlan'ny fano'hànanana tsy takona hafenina ireo mpifaninana ho filoha amin'ny fididianana tsy azo antoka, toy izay niseho vao haingana tao Gabon, dia mety misarika ny saina hino fa ny olombelona mandalo ihany, fa ny politika kosa mipetraka. Azo lazaina mihitsy aza fa ny filoha sy ny governemanta frantsay mandalo, fa io politika io mipetraka, satria ny sosialista koa aza dia nanaraka io fomba io tamin'izy teo amin'ny fitondrana.

DIA TSY HISY FIOVANA AZO ANTENAINA VE IZANY NY FIVERENAN'I Alain Juppé ao amin'ny Quai d'Orsay?

Marina fa tsy nisy fiovana azo tsapain-tanana ho an'ny Afrikana tamin'ny fandalovany voalohany tao amin'ny raharaha-bahiny tao anelanelan'ny 1993 sy 1995. Na izany aza, dia tsy ferana ny fieritreretana fa ny fanendrena azy amin'io toerana io ankehitriny, dia mety hitondra soa eo amin'ny fifandraisiany Lafrantsa sy i Afrika. Izao no antony: **amin'ny andaniny iray**, toa mety i Alain Juppé no hamarana ny diplomasia misoko sy ny raharaha-bola malotoloto atao'ireo "fransafrikana" naman'ny filoha frantsay toy izay I Michèle Alliot-Marie; ary ny fitraotram-bahoaka ankehitriny, izay manozongozona ny jadona **etsy ankilany** izay mety hiparitaka manerana an'l Afrika Ambanin'ny Sahara.

NY VOKADRATSIN'NY DIPLOMASIA MISOKO-

I Claude Guéant, na ry Balkani, Bourgi na koa I Bernard Tapie (izay toa nitsofoka ao amin'ny tariky ry zareo mba hampitomboana ny volabeny ao Afrika taorian'ny feo nandeha momba ny fomba nahazoany izany ka mbola tsy nitony tao Frantsa) **dia nampifangaro** ny andraikirity ny tsirairay. Vao mainka nandoto ny fifandraisiany Frantsa sy ny Firenena afrikana sasantsasany izany, fifandraisana izay efa niharatsy. **Io fampifangaroana io dia nanembatsembana ny fomba fiasan'ny rafitra araka ny tokony ho izy, na frantsay izany na afrikana.**

Ny fiafaràn'io diplomasia misoko io, raha toa aza ka tsy hahasakana ny faneriterena ankolaka, dia mety hampihena ny fifandraisana sy ny fifanakalozana diplomatiaka manjavozavo, zavona izay manamora ny fihetsika farany izay tsy fampiseho masoandro. Ary tarehin-javatra mahafaly ny mpanohana ny sata repoblikana na ao Frantsa na ao Afrika izany.

NY TOKONY HANOMEZA-DANJA NY SAKOROKA ANKEHITRINY MANOHITRA NY JADONA.

Izao rivo-panafahana mitsoka amin'ny faritra avaratr'i Afrika izao, dia hanenika an'l Afrika Ambanin'ny Sahara na ho ela na ho haingana.

Ny fahantrana tafahoatra, ny kolikoly tandra vadim-koditry ny jadona, ny fikirakirana mahatsiravina ny kitapom-boamaina ataon'ny mpanambola avy amin'ny tany manankarena, ary ny fifandonana momba ny solika, dia fangaro mety hipoaka.

Ny fitakiana ny fahafahana dia hitsoka amin'ny fatanana arehatry ny fitiavantenan'ireo mpanao jadona mpamono olona izay tsy mikendry afa tsy ny hitazonana ny fahefana ihany, noho ny hatendàna tsy misy fetra.

Tao amin'ny laharana faha 12, mitondra ny lohateny hoe:" Ny hany tombon'i Lafrantsa ao Afrika: ny Afrikana tena misy tendro koltoraly mifandray aminy", dia izao no nosoratanay:- " **eo amin'ny fifandraisiany Fanjakana anankiroa, dia mavesa-danja ny fifandanjan-kery sy ny tanjona ekonomika: misy zavatra hafa sarotra lanjaina/refesina koa mety hanova ny fifandraisana, tsy inona izany fa ny fifanakalozana koltoraly**". Araka izany, dia "mety avy amin'ny fahatsapana ny fifanakalozana koltoraly fa tsy avy amin'ny fifandraisana politika na ekonomika no hiantefan'ny fifanakaikezana amin'i Lafrantsa fa tsy amin'ireo firenena mpifaninana aminy."

Raha ny soatoavina koltoraly voabango ao anatin'ny oha-tenin'ny repoblika frantsay no jerena; raha ny fizotran'ny fihetsaham-bahoaka ankehitriny no zohina; dia mety hijanona tsy hanohana na tsy hametraka intsony ireo mpanao jadona,- toy ny hita tao Madagasikara- ve ny diplomasia frantsay tarihin'i Alain Juppé, izay antenaina fa hazavazava saina kokoa?

Hiaiky amin'izay ve i Lafrantsa fa tapitra teo ny fanjakazakana kolonialy, ka tokony hanomboka hanangana fiaraha-miasa v aovao miaraka amin'ireo zanataniny taloha tao Afrika, miainga avy amin'ny firehana fahafahana, fitoviana ary firahalahiana?

Mazava ny lesona azo tsoahina amin'ny zava-nisy tao Tonizia: hitsinjo ny tombotsoany ho amin'ny lavitrezaka i Lafrantsa, ka hanaja ny hetahetam-pahafahan'ny Afrikana, ary hanohana azy amin'izany.
(Jereo ny lisit'ireo firenena mety hisy sakoraka miady amin'ny jadona, ary isan'izany I Madagasikara).

Ho afak'olana i Lafrantsa ary tsy hibaby henatra sy fahafambaràka amin'ny fiolakolahana diplomatika eo, rehefa hianjera ireo mpanao jadona notohanany hattrizay, nefo efa voaisa ny androny.

Ireo mifikitra amin'i Madagasikara
Eto La Réunion